

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**ODLUKA
O PRIVREMENOM FINANSIRANJU FEDERACIJE BOSNE I HERCEGOVINE ZA
PERIOD JANUAR – MART 2015. GODINE**

Sarajevo, decembar 2014. godine

Na osnovu člana IV. A. 20. (1) j) Ustava Federacije Bosne i Hercegovine i člana 35. stav (2) Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14 i 13/14) Parlament Federacije Bosne i Hercegovine na ___ sjednici Predstavničkog doma održanoj _____ godine i ___ sjednici Doma naroda održanoj _____ godine, d o n i o j e:

ODLUKU

O PRIVREMENOM FINANSIRANJU FEDERACIJE BOSNE I HERCEGOVINE ZA PERIOD JANUAR – MART 2015. GODINE

I

Ovom odlukom utvrđuje se iznos privremenog finansiranja Federacije Bosne i Hercegovine do donošenja Budžeta Federacije Bosne i Hercegovine za 2015. godinu za period januar – mart 2015. godine.

II

Privremeno finansiranje Federacije Bosne i Hercegovine za period iz tačke I ove odluke utvrđuje se u iznosu od **421.823.778 KM** (slovima: čitiristotinedvadesetjedanmilionosamstotinadvadesettrihijadesedamstotinasedamde setosam KM).

Budžet Federacije Bosne i Hercegovine za period januar – mart 2015. godine sastoji se od:

	OPIS	Budžet za period januar - mart 2015. godine
I	Prihodi i primici	421.823.778
II	Rashodi i izdaci	421.823.778

A. Prihodi, primici i finansiranje

Ekonomski kod	OPIS	Budžet za period januar - mart 2015. godine
7000	Prihodi	361.823.778
8100	Primici	60.000.000
815311	Primici od trezorskih zapisa	60.000.000
UKUPNI PRIHODI		421.823.778

B. Rashodi i izdaci

Ekonomski kod	OPIS	Budžet za period januar - mart 2015. godine
6000	Tekuća rezerva	1.363.584
	<i>Vlade Federacije</i>	<i>1.326.334</i>
	<i>Rezerva Premijera i zamjenika premijera</i>	<i>37.250</i>
6110	Bruto plaće i naknade troškova zaposlenih	48.884.772
6120	Doprinosi poslodavca i ostali doprinosi	5.365.488
6130	Izdaci za materijal, sitni inventar i usluge	10.413.528
6140	Tekući transferi i drugi tekući rashodi	189.406.599
6150	Kapitalni transferi	0
6160	Izdaci za kamate	14.879.871
8210	Izdaci za nabavku stalnih sredstava	305.332
8220	Izdaci za finansijsku imovinu	0
8230	Izdaci za otplate dugova	151.204.604
UKUPNI RASHODI		421.823.778

III

Ova odluka stupa na snagu narednog dana od dana objavljivanja u „Službenim novinama Federacije BiH“.

O B R A Z L O Ž E N J E

PRIJEDLOGA ODLUKE O PRIVREMENOM FINANSIRANJU FEDERACIJE BOSNE I HERCEGOVINE ZA PERIOD JANUAR – MART 2015. GODINE

Zakonska obaveza za donošenje Odluke o privremenom finansiranju propisana je u članu 35. Zakona o budžetima u Federaciji Bosne i Hercegovine ("Službene novine Federacije BiH", br. 102/13, 9/14 i 13/14).

Prema članu 35. Zakona o budžetima u Federaciji i Bosne i Hercegovine, ako Parlament ne donese budžet prije početka fiskalne godine, privremeno se, na osnovu odluke o privremenom finansiranju, nastavlja finansiranje poslova, funkcija i programa korisnika budžeta.

Privremeno finansiranje, obavlja se najduže za prva tri mjeseca fiskalne godine.

Odluku o privremenom finansiranju donosi Parlament. Privremeno finansiranje, obavlja se srazmjerno sredstvima utrošenim u istom periodu, a najviše do tromjesečnog prosjeka za prethodnu fiskalnu godinu.

U periodu privremenog finansiranja finansiraju se isti programi, a korisnici ne smiju povećavati broj zaposlenih u odnosu na stanje na dan, 31. decembar prethodne godine. Budžet se mora donijeti najkasnije do 31. marta tekuće godine. Ukoliko se budžet ne donese do 31. marta, nakon toga neće se izvršavati rashodi u bilo koju svrhu osim otplate duga sve dok se budžet ne donese.

Vlada Federacije BiH je na 137. sjednici utvrdila i uputila u parlamentarnu proceduru Nacrt Budžeta Federacije BiH za 2015. godinu. Zbog otežanih okolnosti u konstituisanju Parlamenta Federacije BiH, uključujući Doma naroda Parlamenta Federacije BiH i velikog rizika da isti neće biti konstituisan do kraja 2014. godine, a u cilju osiguranja sredstava potrebnih za nesmetano izvršenje obaveza iz osnova unutarnjeg i vanjskog duga, socijalnih davanja, invalidnina i penzija, pripremljena je Odluka o privremenom finansiranju Federacije BiH za period januar – mart 2015. godine.

Privremeno finansiranje Federacije BiH za period januar – mart 2015. godine urađena je na osnovu izvršenja za tri mjeseca u iznosu od **421.823.778 KM**.